

PEMBERITAHU PERTANYAAN DEWAN RAKYAT

- PERTANYAAN : LISAN**
- DARIPADA : TUAN WONG TIEN FATT @ WONG NYUK FOH
[SANDAKAN]**
- TARIKH : 30 MAC 2015 (ISNIN)**
- SOALAN : Tuan Wong Tien Fatt @ Wong Nyuk Foh
[Sandakan] minta MENTERI PERTANIAN DAN
INDUSTRI ASAS TANI menyatakan bilangan
peniaga yang diberi Beras Hancur Super untuk
menikmati subsidi Kerajaan di Sandakan. Adakah
ini benar bahawa peniaga cina tidak diberi
peluang menjual beras tersebut.**

JAWAPAN:

Tuan Yang Di-Pertua,

Untuk makluman Ahli-ahli Yang Berhormat, setakat 18 Mac 2015, terdapat 15 pemborong bukan bumiputera yang dilantik sebagai Pengampit atau Pengedar Beras Subsidi ST15% di Sandakan. Program pengampitan Beras Nasional ST15% dibuka kepada semua pemborong beras yang berlesen termasuk pemborong bukan bumiputra yang menepati syarat-syarat penyertaan program seperti mempunyai gudang atau stor yang bersesuaian dan mesin mengampit beras.

Kementerian telah mengambil beberapa langkah pembaharuan dalam melaksanakan Program Beras Subsidi ST15% bermula Oktober 2014 seperti berikut:

- i. Penyediaan Garis Panduan Pelaksanaan Program Beras Subsidi ST15%;
- ii. Penubuhan Jawatankuasa Induk Mengenai Hal-Ehwal Industri Padi dan Beras yang dipengerusikan oleh Ketua Setiausaha Kementerian yang bertanggungjawab untuk menimbangkan permohonan mendapatkan kuota beras ST15% oleh syarikat pemborong;
- iii. Penguatkuasaan dan pemeriksaan setiap bulan ke atas pemborong yang mendapat kuota beras subsidi;
- iv. Penubuhan Pasukan Petugas Khas di peringkat Ibu Pejabat Kawalselia Padi dan Beras untuk menjalankan pemeriksaan khas ke atas pengilang, pemborong dan peruncit yang terlibat dalam pelaksanaan program beras subsidi; dan
- v. Pemerksaan Panel Pendengaran yang dipengerusikan Timbalan Ketua Setiausaha (Dasar) bagi mendengar pertuduhan dan menimbangkan rayuan syarikat-syarikat yang telah melanggar akujanji berkaitan pengedaran kuota beras ST15%.

Sekian, terima kasih.